


चिकिवा धंगु


# श्री तलेजु भवानी या इतिहास



तीर्थलाल नःघःभनी

चिक्कीचा धंगु

# श्री तलेजु भवानी या इतिहास



तीर्थलाल नःघःभनी

११०६]

[२०४३

प्रकाशकः (पिकाक) :-

नः घः भती प्रकाशन

थायमहु न्हूवहाः ।

सर्वाधिकारः :-

ध्वमिजु व प्रकाशकया

ह्लापांः १०००

मूः ५।-

याकूः मित्त छापाखाना

बाङ्गेमुठा, काठमाडौं ।

# द्यछाया

नेपाः देःयात रक्षा याना बिज्याना चवंह्य

अधिस्थात्री

श्री तलेजु भवानीया तुति पालिसं

तीर्थलाल नाघःभनी

११०६

## जिगु छत्वाः खँ

झौथाय् नेपाले तलेजु भवानी धयागु दु । थ्व सकसिनं स्यूगु खँ खः । थ्वयात मनूतसें “हरिसिंह देव जुजुं सिम्रौनगढं नेपाले हया ख्वपे स्थापना यात” धका भाःपिना पत्याः जुयाः वयाःच्वन । थ्व तधंगु दोँ खः । छाय् धाःसा सिम्रौनगढं हरिसिंहदेव धाःह्य जुजु नेपाले गाले वःगु हे मदु । नापं व हे मवः । नेपाले हरिसिंह देव वल धका भाषा वंशावली जक च्वयाः तःगु दु । थ्व च्वयाः तःगुली छुं तथ्य दसि न लिधंसा दुगु मखु । उके पत्याः याय बहः मजू ।

थ्व हे खँ बात कया थ्व चिकिचा धंगु तलेजुया इतिहास च्वयाः च्वना । थुके भ्रातक लूगु खनागु व न्यनागु कथंया तलेजुत दुथ्याकागु दु । मेगु लुल धाय्व लिपा दुथ्याकेगु कुतःयाय । नापं छिकपिसं स्यूगु दुता सुचं नियादिल धाःसा तसकं लयताय् ।

मेगु खँ थ्व सफू च्वयत थन थन तलेजु दु धका कना कयना चूर्णित दुःनुगलं निसें घन्यबाद दछाय । लिसें मनुतेके सत्य खँ त्वःता मखुगु खं थाय् कयाःच्वंगु यात याउक हया छ्वइला धयागु भाशा याना । अस्तु ।

## श्री तलेजु माजु

श्री नेपाःगाले नां जाःगु तःगू मछि देशत दु । व दे पतिकं लाय्कू धयागु दइ । नापं तलेजु नं दया च्वनी । नेपाःगाले जक मखु नेपाःगालं पिने नं ततःधंगु देशे लाय्कू व तलेजु धयागु नं दया च्वन । लाय्कू तलेजु मदुगु देश दे हे मखु धयाथे च्वं । अथेला थौंकन्हे लाय्कू तलेजु मदुगु देश यक्को खने दय् धुकल । व व देशे लाय्कू धयागु न्हनाः बन ज्वी । तलेजु धयागु तनाः वन ज्वी । उके छुं चि तकनं मल्यंगु ज्वीमाः । अथेसां छुं न छुं चि ल्यनाः च्वने माःगु खः । गन छुं दसि तक नं मन्त अनयात गां धयाः छ्वसां छुं पाइ मखु । उके गन गन लाय्कू न्हन, तलेजु तन धकाः बालाः मालाः स्वय मानि । थ्व बालाः मालाः स्वयगु ऐतिहासिक व पुरातात्विक मिखां स्वयबले मयासे मगाः थें च्वं ।

आः थन लाय्कू व तलेजु धयागु ल्यनाः च्वंगु छगू निगू देशत न्हय व्वय । न्हापां सक्व देयात काय । सक्वे नं लाय्कू धयागु दु । लाय्कूया नामं दुहाँ वनेगु तदुवाःगु ध्वाथःगु ध्वाखा छदुवाः दु । अनं दुहाँ वनेवं चिकिचाकूगु चुक्चा छकू दु । उके दथ्वीलाक चिकीचा धंगु दबूचा छगू नं । वया जःखः अने थनेगु ज्यासःत दयकाः लाय्कूया मू तंकाः छ्वय धुकल । भाग्यं दबूचा छगू जक ल्यनाः च्वन तिनि । नतसा थ्व नं तने धुकल ज्वी । छाय् घाःसा सक्व देशे खड्ग जोगिनी (बज्रजोगिनी) या जात्राबले जुजुया खड्ग (तल-वार) हयमाः । व तरवार न्हापा चछि न्हिच्छ व लाय्कूया दबूचाय् तयमाः । व दबूचा ये जुजु गद्दी च्वनिगु गद्दी दबूथें जुल । आः थौंकन्हे हिच्छि मतःसां

भीपलख जक जूसां मतसें मगाः । उके हे जक व गद्दी दवूचा श्यनाः च्वंगु  
खः घासां श्यु ;

अनं भचा थुखे तःधंगु दवू थें जाःगु द्दम्बः छगू दु । उके दध्वी चू  
खंकाः तःगु छतँ जाःगु छें छखा दु । उके गनं नं श्याः मदु । लुखा छदुवाः  
दु । यबा चूलं चिकीचापाःगु श्याःचा छपाः दु । पी फुकं कुतुं यया सर्गः बने  
दये धुकल । प्यखें किलाय् जक श्वातां दनाः च्वंगु दु । देवःया चि तक नं  
मदय धुकल । धवयात हे तलेजु धाइगु जुया च्वन । ध्व नं गुलि हे च्वनिई  
तिनि । लासा आः हे पाताः जुय धुकलला छु छु । पुलांगु ऐतिहासिक व  
पुरातात्विक भाय् श्यंका तयगु चलन बने मदय धुकल । गुलि फत उलि  
बाकनं न्हंकाः छवयगु यनयापिने (प्रवृत्ति) ज्या जुय धुकल । उकें प्रापाः यन  
न्हनाः तना वन । अय्सां लय्ताःया खँ छु धाःसा थोकन्हे हाकनं नकं निसें  
मिकीगु जुल घयागु तायदु । अथेला सिधल घयागु ताय मदुनि ।

ध्व लाय्कू, तलेजु सुनौ गबले दयकल, स्वन धयागु खँ छु सीमदुनि ।  
खड्गजोगिनी (बज्रजोगिनी) या जात्रा अमरमल्ल जुजुं तःगु घयागु खँ भाषा  
वंशावली च्वयाः तःगु दु । नापं ध्व जात्रा रत्नमल्ल तःगु धयागु खँ नं  
न्यने दु । न्ह्याथेथजु सन्ने सूर्यमल्लया पाले हे दये धुकल धयागु बने दु ।  
तलेजु नं उबले हे दत जुयमा । दसि मलूतले थथे हे खः बकाः धाय मफुनि ।

बनं फनपि देशे बने । फनपी नं लाय्कू दु । थोकन्हे नां जक ल्यं  
दनि । तलेजुया देगः छु बने मदु । फनपी देशे दध्वी लाक तव्देगु चाव्दं  
छदों दु । व दोया च्वकाय् स्वतँ जाःगु छें छखा दु । वयात हे लाय्कू  
तलेजु छें धाइगु जुया च्वन । अन छें ग्रीषधालय च्वना चिकित्सालय जुय  
धुकल । आ छु धालय जुल मस्यु । अन लाय्कू व तलेजुया कथं छुछु ज्या  
याना च्वंगु दु धयागु खँ बाँलाक मस्युनि । नापं ध्व लाय्कू तलेजु सुनौ गबले  
स्वन धयागु खँ नं सीकय मफुनि ।

लिसें किपू देशे बने । यन नं लाय्कू धयागु दुगु जुया च्वन । अय्सां  
लाय्कूया चि तक नं मदय धुकल । नां छगू जक श्यंदनि । अन तग्वःगु देगः  
छगः दु । व देगः तजाः । उगु देगः मदुइ च्वंगु देगः थें च्वं । उके आय्पा

पो कुतुं वया जस्ताया पलि चिना तल । वगं धाकु फे वया पुइके धुंकल ।  
 देगः छग इवात्याँ दना च्वंगु दु । लय्ताःया खँ खः व देगः दयके धुंकल  
 धयागु तायदु ।

मोहनीबले यें यल ख्वपे खड्ग ज्वना जिगिजिगि खानाः पायाः  
 पिहाँ बई । अन भथे मखु । किपूया लाय्कू पंमाःनीत फुकसियाँ सिन्हम्ह  
 छगू छगू जनना देगलं पिहाँ बइ । देगः वय् द्यःबाजं धेमे थाना लँ स्वः वया  
 च्वनि । बातनंनिसें स्वःवकसित इबःलाक सिन्हः तिका बइ । थ्वहे चलन  
 त्वना च्वंगुलि देगः नं त्यना च्वंगु जुइ । नापं थ्वयात हे तलेजु धाःगु  
 जुइमाः । थ्व देगः सुनां गबलै देकूगु खः सीमदुनि ।

थनं पालुङ्ग देशे छकः नं मिखा व्यव । नेपाः गालपिने पालुङ्ग धयागु  
 देशे नं लाय्कू तलेजु धयागु दुगु जुजाच्वन । थौंकन्हे व लाय्कू न्हना वने  
 धुंकल । तलेजु पाताः जुय धुंकल । लाय्कू तलेजुया चित्तक नं मदय धुंकल ।  
 भाग्यं तलेजु दुगु दसित लुबा बल । पालुङ्गे त्वःताः तःपि सा व दो कुनेगु  
 थाय् दयवयत नीम्हुबले तलेजु द्यःया मूर्ति लुया बल । नापं लोहँया नमरात  
 व मेमेगु नं लुया बल । व द्यःया मूर्ति थौंकन्हे गन बन ? गन तयातल  
 मस्युनि । थुकें पालुङ्ग देशे नं तलेजु दु धयागु दसि प्रमाणित जूबल । थ्व  
 तलेजु सुया पाले स्वंगु खः सीमदुनि । थ्व खँ प्राचीन नेपाले नं च्वयाः  
 तःगु दु 12

लिसें नुवाकोटे नं मिखा व्यव । नुवाकोटे नं लाय्कू दु । तलेजु नं  
 दु । अन तलेजु गबले सुनाँ स्वन धयागु खँ ऐतिहासिक दसि कथं सी मडुनि ।  
 अन तलेजु देगः मखु । झी द्यःछे थें जाःगु नितँ जाः छें । धुरी स्वंगः गजू  
 दु । थ्व तलेजु वदम्बःया च्वकाय् लाः । आपा याना स्यने धुंकल । नापं नाक  
 पुनांगु ताल खनेमदु । अन नं छु ततः धंगु ज्या यायत खड्ग हयमाः । दुखया  
 खँ अन द्यः खुया मने धुंकल । द्यःतंगु १३ दँ दयानं मेम्ह द्यः तय फुगु  
 मखुनि 13

थथे हे गोकर्णें नं तलेजु दु । गोकर्णेश्वर महाद्यःया भच्चा उखे देशे



दुने ला । तलेजुया देगः दुथाय् जोसी गाः धाई । न्हापा जोशीगले दुने (वने)  
तलेजुया देगः दुगु जुया च्वन । आः अन (भगनावशेष) चि जक ल्यं दनि ।  
अन गलं पितहया जोशी गाले दयकुगु जुया च्वन । वनं भ्वाथः जुया थुगुसी  
न्हूगु दयका २०४० साल चैत्र दशैं खुनु सिघयेकल । व तलेजु अन थें देगः  
मखु । छः छें थें नित्तं जाः छें । वैगः नापं स्वतँ जाः धाय माल । उके गजू  
छगः दु । पी जस्ता पी हे जुल । वैगले चिकीचा खःगु सियागु देगः चा लूगु  
खचा छखः दु । उके पुजा याना हिखुया तःगु दु । छः धाःसा मदु ।

गोकर्णो कान्ति भैरव्या मूर्ति खुया यन । लिपा लुया वल । वथें नत्तु  
तलेजु भवानी नं खुया यनी धका देया कतकपिनिगु साहुति कथं देया न्दारे  
महाने श्री भवानि श्रेष्ठया जिम्माय् वया थाय् छें तथा तःगु जुया च्वन ।  
छः निम्ह दु । छम्ह पुलांम्ह । छम्ह न्हूम्ह । पुलांम्ह छः स्वय मखं । अकि  
गुलि पुलां धका अनाज याय मफुत । न्हूम्ह स्वयबले सः निसः दँ न्हय्याम्ह  
थें च्वं ।

थन मोहनी बले सरकारी पुजा ह्यमाः । मोहनीबले मेचा तलेथ्यंक  
यंका बलि वियमा । नापं जायाम्ह छः दयका ह्यँचा बलि वियमाः । नापं  
छः जात्रा नं यायमाः । थ्व तलेजु सुनौ गबले स्वन धयागु खँ लुइके मफुनि ।  
मेगु ऐतिहासिक दसित नं मलूनि । अकि तथ्य खँ थन च्वय मफुनि । 4

थनं टोखा देशे वने । थन नं तलेजु दु । थ्व तलेजु गुनां गवले स्वन  
मस्युनि । टोखा देशे दथ्वीलाक पुखुचा छगू दु । व पुखू लिकतुं नित्तं जाःगु  
छें छखा दु । लिउने अंगले त्रिशूल च्वयाः तःगु दु । व हे छेंयात तलेजु धाइगु  
जुया च्वन । लाय्कूया चि अन थन धाय मफुनि ।

अनं वया नध्यपुर ठेमी देशे वने । थन नं लाय्कू दुगु जुया च्वन ।  
नापं तलेजु नं दुगु जुज । लाय्कू धाःसां तलेजु धाःसां झीथाय् थें जाःगु  
मूचुक जोगु चुक छकू दु । प्यथ्येरं छतं जाःगु छें । छखेरिखें छः तइगु थाय्  
जुल । लाय्कूया नामं थ्व हे छता दनि । मेमेथाय् थीथी कथबा ज्या कया  
लाय्कूया चि हे न्हंका छवय धुकल । तलेजु देगः अलग मदु । व हे मूचुके  
च्वम्ह छःयात हे तलेजु धाइगु जुया च्वन ।

स्वप्ने विशिका जात्राबले थन नं जात्रा जुइ । वैशाखया सल्हधुंका कःहे  
 खुन्हु बालकुमारीया नं जात्रा । जात्रायाना हःम्ह बालकुमारी थन लायकुली  
 ध्वाखां दुकाइगु जुया च्वन । बालकुमारीया खः थन लायकुली दुतः थन  
 धामव जात्रा वचाल । थुनि हे जक लाय्कू चुक ल्यना च्वंगु जुल । व  
 लाय्कू ब जात्रा सुनां गबले तःगु धयागु खँ धाःतक सीके मफुनि । माले हे  
 मानि ।

नापं ग्वल देशे बने । ग्वल देया लाय्कू नं न्हने धुंकल । लाय्कू थन  
 थाय् लाक लाः धयागु सी मन्त । लाय्कूया चि भनाःख्यः कयब छकू जक ल्यं  
 दनि । थ्वयां भचा उखे लँया सिथेसँ नितँ स्वतँ जाःगु छें छखा दु । थय्क  
 स्वमबले दः छेंथें च्वं । छेंसा क्वमँ दबू छगू दु । ब दबुली गुट्येश्वरी जात्रा-  
 बले अनेअने बस्तु तया घाराधुरू याकेमाः । छ्येंया लुखा झ्याः फुक भ्वाथः  
 जुय धुंकल । नाप अने च्वंम्ह दः नं मदय धुंकल धयागु ताय्दु । ग्वल देया  
 तलेजु थ्वयात हे धाइगु जुया च्वन । थौंकन्हे थ्व छें न्हुगु ताल नकनिसें दयके  
 धुंकल । थ्व सुनां गबले दबकूगु खः सीके मफुनि ।

अनं भों देशे मिखा व्वय । भोंते न लाय्कू दु । तलेजु नं दुगु जुया  
 च्वन । यक्षमल्लया लिपा देश कू दल । अनं भों देशे दकले न्हापांयाम्ह जुजु  
 रणमल्ल जुल । उबलें निसें हे भोंते लाय्कू दुगु जुयमाः । नापं तलेजु नं स्वगु  
 ज्वीमाः । ऐतिहासिक दसिला मलूनि । भोंते दच्छु त्वाले स्वतँ जाःगु लाय्कू  
 छें छखा दु । ब छें जलि पुलांगु ताल मवः थें च्वं । थौंकन्हे तलेजु देगः मदय  
 धुंकल । देगः दुता पाताः जुय धुंकल । दःदी फुकं ल्हाय धुंकल । मोहनी बले  
 पुजा मायगु, मे, दुगु बलि बियगु चलन धाःसा धाःतकं दनि । थन नुगले  
 स्यांगु खँ छु धाःसा पूजा भाजा फुकं अथें खबले बाबदेतुं याइगु जुया च्वन ।  
 भोंदेया साहु नेवाःतसें तलेजु देगः छगः दयकेगु हे कुतः मयाः । तलेजुया  
 थिति कबं लाय्कू नकि धयाम्ह छम्ह आतकं दनि । भों देशे पर्व पर्व पतिकं  
 पूजा पितयने मासाः लाय्कुलीं हे यनेमाः / थ्य चलन आतक जुयाः वयाः  
 च्वन तिनि /

लिसैं पनति देशे बने / थ्व देशयात महासत्व राजाया देश नं धाइ /

थन नं लाय्कू धयागु दु । थ्व अघाः त्वाले लाः । नापं तलेजु धयागु नं दु ।  
थ्व नं वहे त्वाले लाः । लाय्कू न्हनाः पाताः जुय धुकल । नापं तलेजु नं  
न्हनाः मदये धुकल । न्हापा नं तलेजुया देगः मदु । अथे छें जक स्वना तःगु  
खः । व छें कलातमक जुया नित जाः । व छें दुना वना आः जन सहयोगं  
न्हंगुनाल छल आः याना दयकल । उके थौं कन्हेया ज्यासः च्वना लाय्कूया  
मू मदयका छ्वया च्व । न्हापा लाय्कुली गंगू चुकु दु । आ छगू खयः थें जुय  
धुकल । थनयात किसिगः नं धाः । न्हापा न्हापा थन किसि चियगु चुकु दुगुलि  
किसिगः धाःगु जुइ । व हे किसिगः थौं तक धयाः वयाः च्वंगु जुयमा ।

थ्व हे लाय्कू छेया लिक् छत जाःगु छेचा छखा दु । वयात हे तलेजु  
धाइगु जुया च्वन । व छें छः छें थें च्वं । थौं कन्हे जस्ता पलि चिनाः छः छेया  
पलि छगू फलचा थें च्वने धुकल । अय्सौ मोहनीबले यें खपे व यले थें छः  
क्वहाँ बिज्याके माः । छः क्वहाँ बिज्याकीबले फनचा छें पित हया लाय्कू छें  
(थौं कन्हे पञ्चायत भवने) यंकी । अन खपे गुलि कर्मकाण्ड जुल उलि हे न्तुं  
अन नं याय माः । आतकं याना वयाः च्वंगु दनि हूँ । अय्सौ थ्व लाय्कू व  
तलेजु सुनां गबले दयकूगु खः सीमदुनि । ऐतिहासिक अभिलेख लुन धाय्व  
बौलाक सी ।

हाकनं वा देशे छकः नं मिखा खय । अन नं लाय्कु धयागु दुगु जुया  
च्वन । नापं तलेजु नं दुगु जुयाः च्वन । थ्व लाय्कू थौं कन्हे बस पाकंया  
पछिम पाखे भंसार त्वाले ला । तलेजु नं अनहे लाः । थौं कन्हे लाय्कूया नां  
व बि तक नं मदय धुकल । अथे हे तलेजु नं तने धुकल । व चासे बलाः रि  
सजनपिसं थःगु छें दयका याउक च्वने धुकल । आः बस पाकें दबू छगू ल्यं  
दनि । उके हे मोहनीबले भूय फसि पालेमाः । उके हे दबू छगू जक जुसां  
थ्यना च्वंगु जुइ । थन लाय्कू तलेजु सुनां गबले स्वंगु खः वालाः मालाः  
स्वय मानि ।

थन लिपा नेपाल राज्ये पिने ल्हासाय् थ्यंक् मिखा ताः हाकेका  
न्हाय्पं नं तिफ्याय् । ल्हासाय् नं तलेजु दुगु जुया च्वन । न्हापा ल्हासाय्

राजदुत थें नेपाःयाम्ह वकिल च्वनिगु दु । व वकिल च्वनिगु छेंयात दरबार धाई । नापं छगू कथंया लाय्कू हे जुल । अन दरबारे हे तलेजु भवानी धका स्वनाः तःगु दुगु जुया च्वन । तलेजुयात आगं छें थें यानाः तगु जुल । अन पुजा आजा गुल्जु बज्जाचार्य याइगु खनि । नित्य पुर्जा निसें मांहीबले थ्यंक याइगु जुया च्वन ।

नःला सने खुनु बहनी च्यातिगाः पालां दापा थाना भजन याई । व थें नतुं छसि कथं निसें अष्टमी तक मेमेगु पालां दापा थाइ । नवमी खुनु स्याक्व त्याक्व याई । दशमि खुनु पायः नं पिहाँ वय माः । न्हापा क्षिम्ह थाकुनि खड्ग ज्वना पिहाँ वई । लिपा न्हेम्ह थाकुनि न्हेपु खड्ग ज्वना पायः पिहाँ वयगु जुन । पायः नाप गपं (वकिल साहेव) जागिरदारत, अन च्वपि नेवाःत दक्क, नेवाःतय् सन्तान फुक मुना भाको (दे, बजार) चाहिला अदाया पिखालखुइसं भूय फसि पलि लै पालिगु जुया च्वन । थ्व न्हासाय् तलेजु गबले निसें सुयागु पालनिसें दुगु खः सीमदुनि ।

थुमि जुल नेपाःगालं दुने पिने यागु लाय्कू व तलेजुया खँ जक मखु । नेपाः राज्यं पिनेयागु तकं जुल । आः थन यें, यल, व ख्वपया लाय्कू व तलेजुया खँ त्यन । थ्व थन धयाः च्वनेमाःगु मखु थें ताया । लाय्कू राज प्रासाद (राजधानीया) नुगः चू हे जुल । अथेसां थन यागु तलेजुया खँ न्ह्यव्वया यने माःगु हे खना । छाया धाःसा तलेजु गबलेनिसें दत धयागु खँ सीके माःगु दू । उके यल, यें व ख्वपया तलेजुयागु खँ नं थन छत्वाःचा न्ह्यथना च्वना ।

न्हापां यल देयां लाय्कू व तलेजुया खँ ल्हाय । जुजु यक्ष मल्ल सिसैनि वया कायपि स्वम्हफुकीसिया स्वंगू राज्य जुल । तःधीम्ह रायमल्ल ख्वपेहे जुजु जुल । रत्नमल्ल यें जुजु जूवल । रण मल्ल भोते जुजु जूवन । उवले यले यक्षमल्लया न्ह्यवं निसें न्हेम्हेसिया परिवारया सन्तान पुरन्दर सिंह पिसं ने० स० ५१२ वि० सं० १४४९ निसें ने० सं० ७१७ वि० सं० १६५४ तकं राज्य बाना वया च्वंगु जुल । १५

जुजु रत्नमल्लया न्यागू पुस्ता लिपा शिवसिंह मल्ल ने० सं० ७१७  
 वि० सं० १६५४ पाखे यलया महापात्रतयत्त ववत्यला यल देयात येदे नाप  
 स्वाकल । अले शासन व्यवस्थाया निरिति थः काय हरिहर सिंह मल्लयात यले  
 छवत 16 भाषा वंशावली कथं हरिहरसिंहमल्ल यलया दकले न्हापायाम्ह जुजु  
 जूगु खने दु7 । अनलि वया काब सिद्धिनरसिंह मल्ल ने० सं० ७३६ वि० सं०  
 १६७६ न्ह्यवनिसें जुजु जूगु खनेदु 18 । धवयागु राज्याभिषेक ने० सं० ७३७  
 वि० सं० १६७४ पाखे जूगु धका मल्लकालीन नेपाले न्ह्यबना तःगु दु9 ।  
 भाषा वंशावली धाःसा ने० सं० ७४० वि० सं० १६७७ आश्विन तिनी जुजु  
 जुल धका चवयाः तल10 । धवयागु हे पाले ने० सं० ७४० वि० सं० १६७७  
 पाखे तलेजु स्वंगु खनेदु । साय्कूला न्हापांनिसें हे दुगु खने दत । 11

भाः येया लाय्कूया खँ न्ह्यथने । ये लाय्कू गबले निसें दत धयागु  
 खँ सँके भ्रःपु । गबले रत्नमल्लं ये दे त्यला अलग राज्य दयकल उबलेनिसें  
 लाय्कू दत धयागु सीदत । छाय् धाःसा यक्षमल्लं छगू हे राज्य याना शासन  
 याना वया च्वंगु खः । यक्षमल्ल ने० सं० ६०२ वि० सं० १५३६ बले  
 सिसेंनि12 स्वम्ह फुकी जाना शासन यानाः वमाः च्वंगु बल13 । लिपा ने०  
 सं० ६०४ वि० सं० १५४१ वैशाखं दाजु रायमल्ल नाप बिसिकाः च्वनाः  
 रत्नमल्लं ये दे त्यला नः यकःति राज्ब यात14 । उबलेनिसें ये देशे लाय्कू  
 दत । अथेला ये देशे लाय्कू लिच्छवी पालनिसें हे दु । अय्सां कूदः राज्य  
 कथं लाय्कू यबले निसें दत धायमाल । नापं बलेजु नं स्वन । जुजु रत्नमल्लं  
 राज्य अलग याम धुंकाः तलेजु नं अलग हे स्वन धका “मल्लकालीन नेपाल”  
 धयागु सफुती चवया तःगु दु15 । थथे हे हनुमान ढोका राजदरबार धयागु  
 सफुती नं थ्व खँ न्ह्यबनाः तःगु दु 16

जुजु रत्नमल्ल स्वंगु तलेजु गन गुथाय् लाक खः छुं सी मदुनि । लिपा  
 महेन्द्र मल्ल ने० सं० ६८४ वि० सं० १६२१ स तःगु देगः दयकाः तलेजु  
 स्वन17 । थ्वहे तलेजु यात ने० सं० ७६४ वि० सं० १७३१ जेठं बापुजा  
 गुठी तथा १८ पी बुँ देछाया “श्री ३ तलेजु देवी” धकाः प्रार्थना याना  
 तलेजुइ जुजु प्रतापमल्लं अभिलेख तल18 । अनं लिपा नृपेन्द्र मल्ल ने० सं०

७६७ वि० सं० १७३४ स गजुली स्वांमाः छाल१९ । ध्वयां ल्यू ने० सं० ८२४  
 वि० सं० १७६२ स भास्कर मल्लं न्हूगु गर्जु तल२० । अनलिपा ने० सं० ८४६  
 वि० सं० १७८६ बले “श्री मन्मानेश्वरीष्टदेवता” धका च्वया जुजु जगत  
 जय मल्लं चंगुई सिजःपी तल२१ । ध्वया नं लिपा ने० सं० ८७२ वि० सं०  
 १८०६ पाखे “श्री तलेजु माजु” “मन्मानेश्वरीष्टदेवता” धका च्वया जय  
 प्रकाशमल्लं थःगु अभिलेख तल२२ । दकले लीपा ने० सं० ९२० वि० सं०  
 १८५४ स “श्री ३ तलेजु देवता नम” धकाः च्वया श्री ५ गीर्वाणबुद्ध विक्रमं  
 तलेजुइ तम्बःगु गं छाल२३ । ध्व ये देया लाय्कू व तलेजुया खँ आयात थन  
 थुलि जुल ।

आः ल्यन ख्वप देया खँ । ख्वप देशे लाय्कू गबलेनिसें दत्त । तलेजु  
 नं गबलेनिसें दुगु खः तथ्य कथं सीमदुनि । लाय्कूला छिच्छविकालं निसें  
 दुगु खने दःवः । तलेजु नं उबलेनिसें हे दुगु खः धकाः धाय बहः जूवः ।  
 छाया धाःसा लिच्छवि इले लाय्कू न्हयान्ह्यां वंगु दु । दकले लीपा ख्वप देशे  
 लाय्कू याःगु बालाक खने दु । उके तलेजु नं न्हान्ह्यां वंगु जुयमाः ।

ख्वपया तलेजु यात बाखँ दयकाः मनूतय्गु न्हयपु हे छख्य छख्य लाकाः  
 ब्यूगु दु । मनूत नं न्ह्याय् धयंका स्वगंः स्वया जूगु दु । क्वखँ न्ह्याय्पं यन  
 धाय्वं थियांनि मस्वसें क्वः लिसें ब्वाय् जुयाः च्वंगु नं मदुगु मखु । भाषा  
 वंशावली “शाक्य सम्बत १२४५ ने० सं० ४४४ पौष हरिसिंह देव जुजुं  
 सिम्रोनगढं तुलजा भवानी नापं ज्वनाः वया ख्वपे राज्य यात” धका च्वबाः  
 तल२४ । ध्व यात त्वःताः मेगु स्यजागु बस्लाःगु खःगु दसि प्रमाणयात  
 मनूतसें नालाः मकाः । ध्वहे बाखँया लिधंसा कयाः ख्वपे तलेजु उबलेनिसें  
 दुगु खः धकाः धयाः वयाः च्वन । नापं थःगु अस्तित्व लंका न्हका च्वन ।

आः थन ध्व बाखँया सत्यता गुलि दु धकाः वालाः स्वय । गुलितक  
 खःगु खँ खः धका कुलाः स्वय । शाक्य सम्बत १२४५ स १३५ तने बले  
 विक्रम सम्बत १३८० जुई । थये हे ने० सं० ४४४ स ६३७ तने वसे वि० सं०  
 १३८०/८१ जुई । थौकहे २०४३ थ्यनाः च्वन । ध्व २०४३ स १३८०

ववताय्वले ६६३ दू पुलांगु जुल । उगु इले नेपाःगाःआ लाय्कू (राजधानी) ख्वपे हे गुया च्वन । नेपाःया राज सिंहासने अरिमल्ल च्वनाः च्वन । अरिमल्ल ने० सं० ४४० वि० सं० १३७७ चैत्रं जुजु जुल<sup>25</sup> । उवलेंनिसें ने० सं० ४६४ बि० सं० १४०१ तक जुजु हे जुया च्वन<sup>26</sup> । शासन रुद्रमल्लं याकाः वयाः च्वन<sup>27</sup> । रुद्रमल्लं शासनाधिकार ने० सं० ४३७ वि० सं० १३७३ स जुजु आनन्ददेवया पालनिसें कयाः वयाः च्वंगु खने दु<sup>28</sup> । नापं रुद्रमल्ल ने० सं० ४४६ बि० सं० १३८३ पाखे तिनि सित<sup>29</sup> । थुगु इले सिम्रौनगढं हरिसिंह देव वयाः ख्वपे गय् जुजु जुया राज्यमात जुइ । थ्व मखुगु व फसताः खँ जुल ।

हाकनं मेगु खँ छु धाःसा जुजु अरिमल्लया पाले हे दिल्लीयाम्ह सुल्तान गयासुदीन तुलक वंगाल देशे (हमला) हताल वनाः त्याकाः लिहँ वःबले सिम्रौनगढे नं हय्काः वइ धकाः ग्यानाः हरिसिंहदेव फौज ज्वना सुल्तान नाप त्वाः वन । सुल्तान गयासुदिन तुलकं सिम्रौनगढ (धवस्त) धू याना बिल । हरिसिंहदेव त्वाय मफया लिफःपुला दोलखा पाखे बिस्यू वन । लयँ दथ्त्री तिनपातन धाःथाय् थ्यंबले हरिसिंहदेव सित । वया काय्पि मन्त्रित दोलखाया रक्षकतय्सं ज्वना कुन । दोलखाया मक्षि भारोतय्सं इमिगु धन सम्पति फुक लाकाः काल<sup>30</sup> ।

थुगु तालं दोलखा तक हे मध्यम्ह ने० सं० ४४६ बि० सं० १३८३ माघं तिनपातन धाःथाय् सीम्ह हरिसिंह देव नेपाले वया राज्ययात धकाः च्वयगु भाषा वंशावंशावलीकारयात गुलितक त्वःगु खँखः । नापं थजागु तथ्य मदुगु खँ यात पत्याः जुयाः च्वनेगु नं हिसि दुगु खँ मखुत । लिसें नेपाःगाले राज गद्दी पोहे मपोंकं निदँ निदँ पाक च्वयाः तःगु खँ जूगुलि अशुद्ध व मखुगु धयागु तथ्यंक सीदत ।

लिसें हरिसिंह देवया कलाः देवल देवी दोलखाया जुजुयाके क्षमा फोन । अनलि नेपाः गाले वयाः अरिमल्लयाके क्षमा फोना शरण वल<sup>31</sup> । रुद्रमल्लं शरण कया लाय्कुलीसं तयाः तल । उके हरिसिंहदेवं तुलाजा (तलेजु) हल धयागु खँ तसकँ हे मखुगु धयागु बांलाक सीदत ।

नापं नेपाःगाःया राज सिंहासने ने० सं० ४४० वि० सं० १३७७ चैत्र  
 कृष्ण व्दादशी खुनु ग्वले राज्याभिशेष याना अरिमल्ल चतन । अरिमल्ल ३४  
 दँ तक राज्य यानाः ने० सं० ४६४ वि० सं० १४०१ आश्वीन सुदी ७ खुनु  
 ग्वले देशे तु सित । वयाँ लिपा राजगद्दी राजदेव चवन<sup>32</sup> । उक्के हरिसिंह देव  
 वयाः ख्वपे जुजु जुल धयागु खँ तसकँ व्दःखः । पत्थाः याय वहः मज्जुगु खँ  
 खः ।

थथे हे खःसा नेपाले तलेजु गबले निसें दत ? गनं हल ? तलेजु  
 न्हापां गनं स्वन ? तलेजु स्वम्ह जुजु सु ? धयागु न्ह्यसः थन वयफु । थुकेया  
 लिसः न आतक लूगु दसितसें बिया वयाः च्वंगु दु । थ्व दसिकथं यलया  
 तलेजु ३६६ दँ पुनांगु जुल । येंया तलेजु ४२१ दँ पुलांगु जुल । ख्वपया  
 तलेजु गुलि पुलांगु खः सीमदुनि । “तलेजु” धयागु नामं काःसा २९१ दँ जक  
 पुनांगु खने दत । “इष्टदेवता” धयागु नामं व नातां काल धाःसा ख्वपया  
 तलेजु गाकं हे पुनांगु जुन । थ्वयासिकं पुलांगु ये देशे हे खने दःवई । अय्सां  
 गुलि पुलां धका वालाः मालाः स्वय मानि ।

आः थन लाय्कूया नातां वालाः स्वय । रत्नमल्लयां न्ह्यः यक्षमल्लयां  
 चवय् अमय मल्लयां न्हापाहे ख्वपे लाय्कू (राजधानी) ज्वी धुकल ।  
 अज्ज लिच्छवि इलनिसें हे लाय्कू (राजधानी) जुया वयाः च्वंगु खने दु ।  
 उक्के ख्वपया तलेजु नं पुलांगु हे ज्वीमाः । छाय् धाःसा राज्य कूदले न्ह्यः  
 लाय्कू (राजधानी) ख्वपे हे जूगुलि राज्यया अधिस्थानी इष्टदेवता ख्वपे नं  
 स्वन जुइमाः । उक्के ख्वपे लाय्कू गुलि पुलां उलिहे ख्वपया तलेजु नं पुलांगु  
 जुन ।

नापं “इष्ट देवता” धयागु नातां नं कुला स्वय । रत्नमल्लया अबु  
 यक्षमल्ल ने० सं० ५६१ वि० सं० १४९८ स ठेमी मध्यपुरे थःगु अभिलेखे  
 “श्री मन्मानेश्वरी देवी” धका च्वयाः तल<sup>33</sup> । थ्वयाँ च्वय् ज्योतिमल्ल ने०  
 सं० ५३३ बि० सं० १४७० स पशुपती तःगु अभिलेखे “श्री मन्मानेश्वरी”  
 धका च्वयाः तःगु दुमा<sup>34</sup> वया बीम्ह स्थितिराज मल्ल ने० सं० ५०८ बि०  
 सं० १४४५ स ग्वले तःगु अभिलेखे नं “श्री मन्मानेश्वरी” धका च्वय



धुकल35 । ध्वया नं न्हापा प्रजुन मल्लया पालेयाम्ह महामन्त्रि जयसिहराम  
बद्धनजु ने० सं० ५०३ वि० सं० १४३६ बले इतुं बहाले तागु अभिलेखे  
“श्री मन्मानेश्वरी” धका च्वया बये धुकल36 ।

ध्व हे “मन्मानेश्वरी” यात लिपा वयाः जगतप्रकाश मल्लं  
ने० सं० ७८८ वि० सं० १७२५ स “श्री श्री श्री स्वष्टदेवता प्रीणातु” धका  
च्वया तलेजुया चुके अभिलेख तल37 । थये हे ने० सं० ७९७ वि० सं० १७३४  
पाखे जुजु जितामित्र मल्लं “श्री भवान्यै नमः” “श्री मन्मानेश्वरीष्ट देवता  
वरलब्धित “श्रीश्रीश्री स्वष्टदेवता प्रीतीकामनानं” धका च्वया लायकुली  
च्वंगु गाःहिती अभिलेख तल38 । व हे जितामित्र मल्लं “श्री ३ भवान्यै  
नम” “श्री मन्मानेश्वरीष्ट देवता” “श्री ३ स्वष्टदेवता सके” धका च्वया  
खपे तलेजुया मू लुखाय् तोरं ने० सं० ८०५ वि० सं० १७४२ स तल39 ।  
लिपा ने० सं० ८१६ वि० सं० १७५३ स जितामित्र मल्ल व योन नरेन्द्रमल्ल  
तिम्हं जानाः “श्री ३ तलेजु” धका च्वयाः तलेजुया चुके अभिलेख तल40 ।

लिसें जुजु भूपतिन्द्र मल्लं ने० सं० ८१८ वि० सं० १७५५ स  
“श्री ३ स्वष्टदेवता प्रीति कामनाया” “श्रीश्रीश्री तलेजुस्के मतपूजा” धका  
च्वया तलेजुया मालती चुके अभिलेख तल41 । थयेहे भूपतिन्द्र मल्लं हे ने०  
सं० ८२६ वि० सं० १७६३ जेष्ठं “श्रीमन्मानेश्वरीष्टदेवता” “श्रीश्रीश्री  
स्वष्टदेवता तलेजुस” धका च्वया लायकुली अभिलेख तल42 ।

थुगु कथं हे ने० सं० ८२९ वि० सं० १७६६ स “श्री ३ स्वष्ट  
देवता प्रीति कामना” धका च्वया लालमती देवी तलेजु चुके सालिक तल43 ।  
नापं ने० सं० ८२९ वि० सं० १७६६ आश्विनं “श्री ३ दुर्गादेवी नम”  
“श्री ३ स्वष्टदेवता तलेजुस्के” धका च्वया तलेजु चुके देवा तल44 । हाकनं  
ने० सं० ८३५ वि० सं० १७७२ फागुणं “श्री ३ तलेजुसके” धका च्वया  
तलेजुइ तुनासि (बिलंपु) तल45 । लिपा ने० सं० ८४३ वि० सं० १७८०  
आश्विनं “श्री ३ इष्ट देवतायै नमः” “श्री ३ स्वष्ट देवता पूजोतर दीप  
दानार्थ” धका च्वया लालमती देवी हे मूचुके देवा तल46 ।

लिपा ने० सं० ८६० वि० सं० १७९७ स “श्री ३ तलेजु सहाय”

“श्री मन्मानेश्वरीष्ट देवता” धका च्वया रणजित मल्लं चपुर गणेशया थासे  
अभिलेख तल 47 । थुगु तालं “मानेश्वरी” यात “इष्टदेवता” “भवान्य”  
“स्वेष्टदेवता” “दुगदिबी” धार्था यंकाः लिपा “तलेजु” धयाः छ्वत । थौं  
तकं धयाः च्वन । उकें च्वपया तलेजु पुलांगु जुल धयागु प्रमाणीत जूवल ।

ये नं न्हापा तलेजु मधाः । महेन्द्रमल्लया पालेनिसें “तग्वल देवल”  
नृपेन्द्र मल्लया पाले नं “तवः देवल” धका च्वयाः वल । लिपा प्रताप मल्लं  
“तलेजु” धका च्वत । जगत जय मल्लं “मानेश्वरी” धका हे च्वत । अले  
जय प्रकाश मल्लं नं “तलेजु” धका हे च्वयाः वन । थनंलि श्री ५ गीर्वाण  
बुद्ध बिक्रम नं “तलेजु” धका हे च्वत । च्वत । थ्या सफुती नं “तलेजु” धका  
हे च्ववा वया च्वन । थथे हे जय सिंह रामया पालनिसें राज्यया “स्वेष्ट  
देवता” “मानेश्वरी” धका च्वया व वं लिपा जितामित्र मल्लया पालनिसें  
तिनि “तलेजु” धका च्वया हल । धयाः हल । थुकें सीदत “मानेश्वरी” यात  
हे “तलेजु” धका धयाः छ्वगु खः ।

आः थन “मानेश्वरी” या खँय् छकः नं वालाः स्वये । नेपाले “माने-  
श्वरी” सुनां स्थापना यात धकाः मालाः स्वयबले लिच्छवि इले हे स्थापना  
जुगु खने दु । गथे धाःसा भाधा वंशावली लिच्छवि जुजु विश्व देव (वृषदेव)  
थः कुनया आगं थें याना स्वेष्टदेवता “राजदेवी” धकाः नां तया स्वंगु खने  
दु 48 । लिपा मानदेव (प्रथमं) थःगु पूर्खां तःम्ह राजकुले दयाः च्वंम्ह इश्वरी  
“राजदेवी” या लुंयागु मूर्ति दयेकाः थःगु नां वकयाः “मानेश्वरी” धका  
नां छुना बिल धयागु खँ नं च्वयाः तःगु दु 49 । गोपाल वंशावली नं मानदेवं  
“मानेश्वरी” स्वंगु खने दु 50 । थथे धायबले ने० सं० ४१६ (पूर्व) न्हयः वि०  
सं० ५२१ श सं० ३८६ निसें ने० सं० ३७४ न्हयः वि० सं० ५६३ श सं० ४१७  
तकया दुने “मानेश्वरी” स्वंगु जुइमाः । “मानेश्वरीया” देगः (मन्दिर)  
हादिगामे आतकं दनि ।

हादिगामे “मानेश्वरीया” मन्दिर मूचुकया ताल वः । प्येखेरं छतँजा  
छें । आय्पां पी । छेवेपाखे स्वंगः गजू दु । मूलुखाय् त्वरं दु । उके भैरवया  
मूर्ति किया । तःगु दु । अन आपाः सिया देगुपुजा वैगु जुया च्वन । अज्ज  
सायमि (मानन्धर) तय्सं नं देगु चःया कथं मानैयाना हुनाः वयाः च्वंगु दु

धयागु ताय् दु । थ्व छता अजू चायापुगु खँ खः ।

नेपाया राजधानी लाय्कू मान देवया इले येँ देशे जुया च्वंगु जुल । अनं लिपा भिमार्जुन देवया पाले शिवदेव (निम्हम्ह) या पाले तक नं लाय्कू येँ देशे हे तिनि धयागु खने दु । थ्वयाँ लिपा राधवदेवयाँ न्हयवं निसेँ लाय्कू ख्वपे जूवंगु जुल । ख्वपे लाय्कू जुसेनि थःगु लाय्कुली तं हाकनं “मानेश्वरी स्वन जुयमा । व हे “मानेश्वरी” यात इष्टदेवता याना ने० सं० २६७ वि० सं० १२०४ पाखेयाम्ह आनन्ददेव जुनु दीक्षा काःगुलिऽ । ख्वपे “मानेश्वरी” दय धुंकल धयागु खँ तप्यंक सीदत ।

अनं लिपा जिता मित्र मल्लं तक नं “श्री मन्मानेश्वरीष्ट देवता” धाःगुलि झन हे तिबः बिल । व हे जितामित्र मल्लं व हे “मानेश्वरी” यात “स्वेष्ट देवता” “तलेजु” धयाः छ्वगुलि झन हे प्रमाणित जुल । उकेँ न्हापा “राजदेवी”, अनं “मानेश्वरी”, थ्वयाँ लिपा “तलेजु” जूगु खः धयागु तप्यंक सीदुगु जुल ।

थ्व जुल तलेजुया खँ । आ “तुलजा” या खँय् छकः नं बिचाः याय । “तुलजा” धयागु नां आतक लुगु दसि प्रमाणस गनं नं च्वयातःगु छने मदु । भाषा वंशावली जक “तुलजा माई” “तुलजा भवानी” धकाः च्वयाः तःगु दुऽ । थ्व नं हरिसिंह देव हःगु धकाः धयाः तल । थ्व भाषा वंशावली जंग-बहादुरया पाले च्वःगु खने दु । थ्व खँ धाथ्थे खःगु खःसा जयस्थिति मल्लया पाले च्वःगु गोपाल वंशावली नं च्वय माःगु खः । गोपाल वंशावली गन मन्त अन थ्व खँ मखु धयागु सी दत । उकेसनं सिम्रौन गढं हरिसिंहदेव नेपाले दुहाँ हे मवः धका प्रमाणित याये धुंकुगु व जुइ धुंकुगु खँ च्वय् हे च्वय धुन । भाषा वंशावलीकारं “तलेजु” धयागु नेवाः भाय्पा शब्द जूगुलि मथुया वा नेपाली करण यानाः “तुलाजा” धकाः च्वःगु जुयमाः ।

न्हयागु न्हयाथे थजु । “तलेजु” हरिसिंह देव हःम्ह मखु । लिच्छवि जुजु वृषदेवं स्वंह “राजदेवी” खः । व हे इष्ट देवता “राजदेवी” यात न्हापांम्ह मानदेवं लुया मूर्ति तसेनि “मानेश्वरी” जुल । थ्व हे “मानेश्वरी” यात लिपा वना जितामित्र मल्लं, भूपतिन्द्र मल्लं निसेँ “तलेजु” धयाः हःगु

खः । लिच्छवि जुजुपिनिगु पालंनिसें राज्यया अधिस्थात्री देवता धका हना  
उपासना याना वया च्वंगु यात आः तक नं हनाः वया हे च्वन तिनि । उपा-  
सना याना हे च्वन तिनि । पूजा याना हे च्वनतिनि । थ्व हे झीगु निति  
तःधंगु गौरवमय चि खः । सिधल ।



## दसि (प्रमाण)

1 अमरमल्ल जुजुं छुं दँ तक शंखपुर (सक्वे) च्वनाः बज्रजोगिनी योगे-  
श्वर महाकाल भैरव सिद्धिनी व्याधिणी रथे (खते) तयाः देगलं निसें देशे हया  
पुन्हीखुनु मू जात्रा यानाः पेन्हुलिपा देगलेतुं लित येकेगु याना दँय् दँसं यायगु  
याना जात्रा तल ।

प्र० भाषावंश वली २-५६

2 मल्लकाल इलंनिसें तलेजुया देगः पालुङ- देया दथ्वी दु धयागु थन  
लुयाः वःगुं तलेजु भगवतीया मूर्ति बांलाक सीदु । सा दोहँ तय्गु थाय् दयकेत  
नीम्हवले लुया वःगु खः ।

प्राचीन नेपाल १०-३३

3 प १ नं नुवाकोट शिषिबनमा स्थापना भैराखेको नुवाकोटका श्री  
तुलजा भवानीको मूर्ति ०३० श्रावण ६ गते चोरि भएको र १३ वर्ष सम्म  
मूर्ति राख्न सकेको छैन ।

तलेजु पुजारी पूर्णबहादुर श्रेष्ठया सौजन्यं

4 गोकर्ण च्वंगु तलेजुयागु न्हूदेकुगु (मन्दिर) छेंया तसबिर २०४०।१२।  
३० या गोरखा पत्रे छापे जूगु दु ।

गो० प०

5 श्री मन्नेपालीक सम्बत १९२ वैशाख कृष्ण...परमेश्वर परम भट्टारक  
श्री मानेश्वरी वरलब्ध... महाराजाधिराज श्रीमत स्थितिराज मल्ल देवन  
संयुज्यमान विजय राज्य श्रीमत सप्तकुटुम्ब प्रधान मूर्त्यग महापात्र श्री त्रिभय  
पात्र प्रमुखादि ।

राजाद्धि राज श्री पुण्डलसिंह देवस्य विजयराज्य श्रयोस्त सम्बत  
७१७ जेष्ठमासस्य शुक्ल पक्ष दशम्यांतिथौ हस्त नक्षत्र सुद्धियोग श्वमवासरे ।  
इ० सं० प्र० प्र०-१४

6 ललितपुर (यल) या राज्य शासन व्यवस्थाया निति शिवसिंह थः  
काम् यात छवत । छुं वँ तक हरिहरसिंह बीया प्रतिनिधि जुया शासन यात ।  
अनु इ. सं. प्र. प्र.-३

ने० सं० ७१७ पाखे येया जुजु शिवसिंह मल्लं यले हताल वनाः थः गु  
रहातेकाल । शिवसिंह थः हे मवसे थः काम् हरिहरसिंह यात यलया जुजु  
ज्वीके छवत ।

मल्लकालीन नेपाल-७५

7. हरिहरसिंह ललितपुरे राज्य यात :

अनु- भाषा वंशावली २-६१

8 सम्बत ७३६ माघमासिकृष्णपक्षे पञ्चम्यां तिथौ हस्त नक्षत्रे वृत्तियोगे  
आदित्य वासरे ... श्री श्री सिद्धि नरसिंह मल्ल प्रभू थाकुर सन एक छत्र नं  
राज्य काले लुं छत्र दुंता जुरो ।

इ० सं० प्र० प्र०-१६

9 ने० सं० ७३७ पाखे राज्याभिषेक जुल ।

अनु० मल्लकालीन नेपाल-७५

10 सिद्धि नरसिंह मल्ल राजाया भोगे वर्ष ४१ नेपाली सम्बत ७४०  
आश्वीन शुक्ल दशमी आदित्यवार खुनु जुजु जुल ।

अनु-भाषा वंशावली २-६१

11 ने० सं० ७४० जेष्ठ शुक्ल १० हस्ता नक्षत्र बुद्धवार खुनु सिद्धिनरसिंह  
मल्लं तलेजु स्थापना याता प्रतिस्था यागु जुल ।

—शतबहादुर आचायाके ध्वंगु वंशावली

ध्व हे जुजु न्हापाया स्वया बाँलाक दरवार ब्रधं माना दयकल ।  
लुंया लुखा नं तल । तलेजु नं स्थापना यात ।

अनु० भाषावंशावली २-६२

12 ने० सं० ६०२ (वि० सं० १५३८) यक्षमल्ल माघं मोक ।

इ० सं० प्र० प्र०-१३५-१४७

— ने. सं. ६०२ (बि. सं १५३३) कागुण शुदी ११ यक्षमल्ल मोक ।

मेडिङ्गमल नेपाल-५५

13 .....श्री रायमल्लदेव श्री रत्नमल्लदेव श्री रणमल्लदेव भिचाम्ह  
भिनमल्लदेव थुमिगु राज्यमाने त्रिगु स्थापना जुन । ने. सं. ६१५  
माघ पुत्नी खुनु वैदिक विधानानुसार थ्व विष्णु प्रतिस्था यात

अनु: इ. सं प्र.प्र.-१३७

14 सं. ६०४ वैशाख शुक्ल एकादशी ए देश तेल । रत्नमल्ल देवसन ।

इ. सं. प्र.प्र.-१३६

15 ने. सं. ६२१ स कान्तिपुरे श्री तलेजु भवानी स्थापना याना छगः  
चिकिचा ग्वःगु देग देकन । अनु. मल्लकालीन नेपाल-१०४

16 रत्नमल्ल भक्तपुर नाप व्यागल च्वना ये देशे च्वंवसेनि थःगु  
बरबारे तलेजु मन्दिर मदयकुसे मगात । वं थः इष्ट देवतायागु चीकी ग्वःगु  
देगः दयका स्थापना यात ।

अनु हनुमान ढोका राजदरबार-१७

17 सं. ६८४ माघ कृष्ण दशमी कुन्हु तवदेवर प्रतिस्था याडा दिन  
जुरो ।

पूर्णिमा १२-३०

— श्रीश्री महेन्द्र मल्ल प्रभू थाकुरसन श्री ३ तग्वी देवल प्रतिस्था  
यात संवत् ६८४ माघकृष्ण ॥

मेडिङ्गमल नेपाल ४-२०

— स्वस्ति श्री ३ तवदेवर स्वेष्ट देवता सपर्ण याङन श्रीश्री लक्ष्मी  
नरसिंह मल्ल देव श्रीश्री जय सिद्धिनरसिंह मल्ल देव उभय ठाकुरसन एकानी  
शत्रु एकानी मित्र याङन सत्य पुरस्कार याङ वंघ याङ बिज्याडाया भाषा...  
श्रयोस्तु सम्बत ७४१ माघ वदी चतुदर्शी शनैश्चर शुभम् ॥

इ. सं. प्र.प्र. १७

१८ श्री ३ तलेजु देवी श्री ३ देगुतले देवी भ्यां श्रीश्री प्रताप मल्ल  
भूपतिना अस्मिन्नथं अस्तादश रोषनिकानी सम्प्रदातानि । ७६४ जेष्ठमास

शुक्ल पक्षे पुर्णमास्यांतिथी ।

इ. सं. प्र.प्र.-६२

19 सं. ७६७ वैशाख शुक्ल चतुर्ष्वि मृगशीर नक्षत्र बुधवार थ्व कुन्हु श्री ३ तवदेवलस श्री नृपेन्द्रमल्ल नं स्वानमाला तथा दिन ।

पूर्णिमा १२-३७

20 सं. ८२५ कार्तिक कृष्ण अष्टमी मघ नक्षत्र बुधवार थ्व कुन्हु तवदेवलया गजुर कोकार । माघ शुक्ल षष्ठि रेवती नक्षत्र शुक्लवार थ्व कुन्हु चुलिका छार । माघकृष्ण अष्टि अनुराधा नक्षत्र अगारवार थ्व कुन्हु अग्नि स्थापन । फागुण शुक्ल तृती रेवती नक्षत्र शुक्ल योग बृहस्पतिवार थ्व कुन्हु गजुर छार । फागुण शुक्ल पञ्चमी भरनी शंनेश्चर थ्व कुन्हु पूर्णा श्रीश्री भास्कर मल्ल देवन छार ।

मेडिङ्गमल नेपाल-४५

21 \* श्री मन्मानेश्वरीष्ट देवटा बरलब्ध प्रसाद नेपालेश्वर महाराजा धिराज राजराजेन्द्र सकल राज चक्राधिश्वर श्रीश्री जगजयमल्ल परम भट्टारक देवानां \* सम्बत ८४६ आषाढ शुदि ११ \* ।

इ. सं. प्र.प्र. ८७

22 श्री ३ बज्रयोगिनी श्री ३ तरजुमाजु श्री ३ देवउतर श्री ३ गरुड नारायण श्री ३ पशुपति श्री ३ गोकर्ण श्री ३ स्वयम्भु चैत्य । \* श्री मन्मानेश्वरीष्टदेवता वरलब्ध नेपालेश्वर महाराजाधिराज राजेन्द्र \* श्री जय-प्रकाश मल्ल \* सम्बत ८७२ आषाढ शुदि १ शंक्रान्ति दुधवार \* ।

मेडिङ्गमल नेपाल-४-३०४

23 स्वस्ती श्री ३ तलेजु देवतायै नमः । स्वस्ति शालिवाहनीयशके चन्द्र नयनाश्रकै १७२१ मिते प्रमोद नाम सम्बत सरे श्री सूर्य दक्षिणायने आश्विनमासे कृष्ण पक्षे अष्टम्यां पुण्य तिथी रबिवासरे \* श्री महाराज गीर्वाण युद्ध विक्रम शाह \* ।

शाहकालीन अभिलेख-२८६

24 शाके सम्बत ११४५ नेपाल सम्बत ४४४ साल पौषमास शुक्ल पक्षमी तिथि शनिश्चरवारका दिन छुना हरिसिंह देव जुजुं तुलजा भवानी

नापं नेपालपुरी वया राजधानी शहर भाक्ततुरे यात । —

अनु. भाषा वंशावली २-३०

25 ने. सं ४४० चैत्र कृष्ण द्वादशी ग्वलस श्री जय अरिमल्ल अभिशेष दिन ।

इ. सं. प्र.प्र.—२३५

26 ने. सं ४६४ आश्विन शुदी ७ स्वंपरहरस तव भूकंप ववः थ्वसंति ग्वलसं श्री जय अरिमल्ल देवस अस्त ।

इ. सं. प्र.प्र.—२३५

27 श्री जय तुंगदेवया काय श्री जय रुद्रमल्ल देवं थःगु प्रभावं थ.हे नाता (थःलाःह्य) श्री जय अरिमल्लयात राज्याभिषेग बिया जुजु मात । भक्ति जक वयन । फुक नेपाः नुवाकोट थ्यंक श्री जय रुद्रमल्ल छगू देयाना राज्ब यात ।

अनु. इ. सं. प्र.प्र.—४३४

28 ॐ श्रेयोस्तु ॥ सम्बत ४३७ फागुण वदि २ राजाधिराज श्रीश्रीश्री जयानन्द देवस्य धर्म राज्ये भवति रघुवंशावतार श्रीश्री रुद्रमल्ल देवस्य लब्ध वरिष राज्य भवति ।

मेडिङ्गल नेपाल-१७

29 ने. सं ४४६ प्रथमाषाढ पूर्णिमी श्री जय रुद्रमल्ल देवस अस्त । भो राज बर्ष ३० मास ८ ।।

इ. सं. प्र.प्र.—२३५

30 सं. ४४६ माघ शुदि ३ तिरहुति हरिसिंह राजासन मिथिलासनतो सन्नगहीतो ढिलीस तुरकयाके वड रायत मोनारपम्, थमु अगुमय याङ वस्यम् शिमरावन गह भङ्ग याङ तिरहुतिया राजा महाथ आदिन लमस्त व डङ्ग व्यसनवड गटोम, ग्वलछिनो लिन्दु बिरववः ग्वलाछिन राजगाम दूलखा-धारे वंग्व । टिपाटस राजा हरिसिंहटाँ शिक्व, थ्वस कायन महाथन उभय बंधि यडा कुलनं जोङ, विफंग्व, राजगामया मझी भारो धायान समस्त धन कासन ॥

इ. सं. प्र.प्र.—२३४



— वि फंग्वया अर्थ शर्णपवंगु खः ।

पूर्णिमा ७-१४

32 ने सं. ४६७ (वि सं १४०४) श्रावण कृष्ण चतुर्थि खुनु निखरया राजकुलया मनसुवा कथं फुरुतिगु साहुति श्री जय राजदेवयात जुजु यात ।

अनु. इ. सं प्र प्र. २३६

33 स्वस्ति ... श्रीमन्मानेश्वरीदेवी वरलब्ध ... श्री नेपाल मन्डलेश्वर ... श्रीश्री जय यक्षट्टदेवस रु ... सम्बत ५६१ फागुग शुक्ल पूर्णिमासि सोमवार देवत प्रतिस्था दिन ।

मेडिङ्गमल नेपाल-६१-६२

34 ... श्री जय ज्योतिर्मल्ल नृपतो ... श्री मन्मानेश्वरी वरलब्ध सम्बत ५३३ ।

मेडिङ्गमल नेपाल-२६-४८

35 श्री मन्मानेश्वरी वरलब्ध ... जयस्थितिराजमल्ल देवन ... नेपालीक सम्बत सर ५०८ मार्गशीर - ।

मेडिङ्गमल नेपाल-२७

36 ... श्री श्री मन्मानेश्वरीवर प्रतिलब्धस्य ... महामन्त्री श्री जयसिंह राम वध्दंनस्य प्रतिपालित विराज्ये ... । स ५०१ ... ।

मेडिङ्गमल नेपाल-२४

37 स्वस्ति ॥ ॐ अद्य वाराही कल्पे त्यादि । भक्तापुरैका दश हेमकल-शच्छय गवाक्षपटलनिर्माण विचिचित स्वर्गाधिक मनोहर प्रसाद निवासिनी स्वेष्टदेवता चरणकमल सेवको मानव गोत्र श्रीश्री जगत्प्रकाश मल्ल वर्मा जोशी क्षत्रात पछिमत जय रत्न क्षेत्रादुत रत हेरसिंह क्षत्रात पूर्वत ... कर कपाला धारदीप दानार्थ श्रीश्रीश्री स्वेष्टदेवतायै गोष्ठिकृस्य सम्प्रददे ॥ अनेन कर्मणा श्रीश्रीश्री स्वेष्टदेवता प्रीणातु । अथः नेपाल खाषा । थ्व बुषा वर-सानन हाने महनिया देव कोही विज्यास्तु नं निसै याकात मिहाँ मबिज्यातल्य

मता छोयके माल ॥ सम्बत ७८८ जेष्ठ कृष्ण अष्टमी शतभिषा नक्षत्र,  
विस्कम्भ योगे शुक्रवार थ्व कुन्हु दुन्ता ।

अभिलेख संग्रह-७-२३ ।

38 ॐ स्वस्ति ॥ श्रीश्रीश्री भवान्यै नमः । भाद्रे सप्रं स्वर्गाय समीतसके  
सोमे द्वितीया तिथी योगे चैत्रशुभे तथार्थ मसुरे भे शुक्ल पक्षे शुभे श्रीश्री  
जय जितामित्र मल्ल देव थाकुरसन श्रीश्रीश्री स्वेष्ट देवता प्रीतिन मूल चूकया  
पछिम रघुवंशी सिरोमणी श्रीश्री जय जितामित्र देव वसलपा एता चुक  
जिर्णोधार याडा ॥ सम्बत ७९७ भाद्र शुदि द्वितीया ।

अभिलेख संग्रह ७-२४

— स्वस्ति श्रीश्रीश्री भवान्यै नमः । आस्ते सास्ता बदान्यो नृप मुकुटमुणि  
श्री जितामित्र मल्लो ॥ श्री मन्मानेश्वरीष्ट देवता वरलब्धीत रघुवंशावतार  
श्रीमत श्रीश्री सुमति जय जितामित्र मल्लदेव प्रभु थाकुरसन श्रीश्रीश्री स्वेष्ट  
देवता पीती कामनान ॥ ने. सं. ७९८ आषाढ शुक्ल दशमी... ।

अभिलेख संग्रह ७-२५

39 स्वस्ति ॥ श्री ३ भवान्यै नमः ॥ श्री मन्मानेश्वरीष्ट देवता वरलब्ध  
प्रसादित ॥ श्री ३ स्वेष्टदेवतासके श्रीश्री सुमति जितामित्र मल्ल देवसन थ्व  
तोरण खापा सहित दुन्ता ॥ नेपाल सम्बत ८०५ मार्गशिर कृष्ण नवम्यां ॥  
शनिश्चरवार ॥

अभिलेख संग्रह ७-२८

40 ॐ स्वस्ति ॥ श्री ३ तलेजु ॥ श्री ३ करुणामय ॥ श्री ३ पशु-  
पति ॥ श्री ३ हरिसिद्धि ॥ थ्व देवता शाक्षितयाव श्रीश्री सुमति जय जिता-  
मित्र मल्लदेव दाजुस्त श्रीश्री जय योग नरेन्द्र मल्ल देवसन चवसें दुन्ता ॥  
— सम्बत ८१६ फागुण शुक्ल द्वादशी ॥

अभिलेख संग्रह ११-१०

41 ॥ राजाधिराज परम भट्टारक सूर्यवंशीवतंस मानव गोत्र श्रीश्री  
भूपतिन्द्र मल्ल देववर्मा श्री ३ स्वेष्ट देवता प्रीतिकामनाया श्रीश्री तलेजुस्के

मनपूजा यायमाल । वुलाधन कुन्हु ॥ नेपाल सस्वत ८१८ फागुणमास शुक्ल-  
पक्षे नवम्यांतिथी ॥

अभिलेख संग्रह ४-६

42 ... श्री मन्मानेश्वरीष्टदेवता वरलब्ध प्रसादिम रघुवंशावतार ...  
महाराजाधिराज परमभट्टारक श्रीश्रीश्री भूपतिन्द्र मल्ल देवसन श्रीश्री स्वेष्ट  
देवता तरेजुसं सुवर्ण प्रसाद सेडास जिमछपु गजुर लुंपोल धलि भागिल जव  
खव सिंह वेताल छत्र मोथल आदिन तयाव जिर्णोधार याडा नेपाल सम्बत  
८२६ जेष्ठमास कृष्णपक्षे चतुर्थि परपञ्चमी तिथि शतभिष नक्षत्र आयुस्मान  
योग वृधवार थ्व कुहु ।

इ. सं. प्र. प्र. १७५

43 ॐ स्वस्ति श्री ३ स्वेष्ट देवता प्रीति कामनान श्री जय जितामित्र  
मल्ल देव दिवंगत श्री लालमती देवीसन सुवर्ण प्रतिमा दयकाव दुता ।  
सम्बत ८२६ आश्विन शुदी ८ शुभ ॥

अभिलेख संग्रह ११-१३

44 श्री ३ दुर्गा देव्यै नमः । श्री ३ स्वेष्ट देवता तलेजुस्के श्री लाल-  
मती देवी सन थब स्त्रीपुरुषया सुवर्ण प्रतिमा दयकाव आश्विन शुक्ल  
महाष्टमी खुनुनिसै देव कोही बिज्याके थहाँ, बिज्याके तोले मत छीयके मात  
... । सम्बत ८२६ आश्विन शुक्ल महाष्टमी तिथि थ्व खुनु दुता जुरो ॥

अभिलेख संग्रह ७-३१

45 स्वस्ति श्री ३ तलेजुस्के श्रीश्री जय भूपतिन्द्र मल्ल देवस ... माता  
श्री लालमती देवीसन सुवर्ण विलिपति ... दुताजुल । सम्बत ८३५ फागुण  
शुक्ल द्वितीया ... ।

अभिलेख संग्रह ११-३२

46 श्री ३ इष्टदेवतायै नमः ॥ श्री ३ स्वेष्टदेवता पूजोतरं दीपदानार्थं  
सम्बत ८४३ आश्विन ... ।

अभिलेख संग्रह ७-३२

47 ॐ श्री ३ तलेजु सहाय ॥ श्री ३ गणेश देवस्के पताडा बिया ...  
 श्री मन्मानेश्वरीष्ट देवता — महाराजाधिराज श्री रणजित मल्ल देव ...  
 सम्बत ८६० वैशाख वदि १ वृहस्पतीवार कुन्हु ।

अभिलेख संग्रप ११-१५

48 आर्वनिसैं ह्लापा नेपाले राज्याभिशेष बिबह्य जुजु बिश्वदेव भोग  
 वर्ष ४८ थ्व जुजु नं आपालं नितिकथं प्रजा प्रतिपाल याना सुख भोग याना  
 चन । थुह्य जुजु दरवार गुंगूतला बिहारयाना दयका तःधंगु कयव नं  
 दयकल । व हे यासे बःआगं स्वेष्टदेवताया बिधी याना देवीया नां “राज-  
 देवी” धका तथा प्रख्यात याना दय्दँसं देगु पूजा यात ।

अनु. भाषा वंशावली १-७४

50 मानदेव नांह्य जुजु राजकुले दुह्य परमेश्वरीयात भक्तिभाव याना  
 इश्वरीयात शास्त्र कथं वर्णन याना मे सिलःदयका ह्लापांनिसैं दया च्वंह्य  
 देवीयात बंसारे सार जुया च्वंह्य धका थःगु नामं “मानेश्वरी” धका प्रख्यात  
 याना हाकनं लुंया मूर्ति दयका स्थापना कर्म यात ।

अनु. भाषा वंशावली १-७८

— मानदेव थःगु हे नामं थःगु हे कुले च्वंह्य तःधंह्य देवता यात  
 “मानेश्वरी” धका प्रतिस्था यात ।

अनु. भाषा वंशावली १-७७

— श्री मानदेव वर्ष ४१ ॥ स्व नामेन मानविहार प्रतिष्ठितं पुन श्री  
 मानेश्वरी प्रतिष्ठितं ... ॥

गोपाल वंशावली

मेडिङ्गमल नेपाल-११६

51 अस्यां श्री-रघुवंश भौतिक मणि ... दतः  
 सान्द्रश्चन्द्र इवान्वितोति मधरंशनन्ददेव करैः ॥  
 उच्चै शक्तिधर कुमारपदवीं पाप्तो बित्तैर्दीक्षित  
 — — — य महिमा प्राप्त ... त्यैश्वरी ॥२३

यसोमल्लश्व तेरेव कुमारादीक्षिता अभि ॥

दीक्षाज्ञान समर्थ ... — ... — ॥

मेडिईभल नेपाल-१३

52 श्री तुलजा माइका उत्पत्ति ॥

भाषा वंशावली २-३१

— श्री तुलजा देवीको नेपालमा प्रतिस्था ॥

भाषा वंशावली २-३१

— तुलजा देवीको वरदान ॥

भाषा वंशावली २-३४-३५



**चवमिः—**

**नःघःभनीजुया**

**मेगु सफूत**

- |  |            |
|--|------------|
| १) न्वधासा [ बाखंमुना ]                            | पिहामवनीगु |
| २) पारबनीं मागु तीर्थयात्रा                        | ''         |
| ३) घामा ता [ बाखंमुना ]                            | पिहामवनीगु |
| ४) नेपाःया तान्त्रीक छः व तान्त्रीक पुजा सफू स्वया | ''         |
| ५) नेवाः भाय् गुलि पुजां                           | ''         |
| ६) नेपाल सम्बतस छपुलु                              | ''         |
| ७) पत्रपत्रिकाया जातः स्वया                        | ''         |
| ८) कुमारी व कुमारी जात्रा                          | ''         |
| ९) नेपाले जुजुपिनिगु राज्यकाल                      | ''         |
| १०) बुद्ध धर्म छपुलु                               | ''         |
| ११) नःघःभनी तय्गु वंशावली व पुस्तावारी             | ''         |
| १२) कवि महामात्य चौतारा नवमी सिंहजुया जीवनी        | ''         |
| १३) वालाः मालाः स्वया पुचः                         | ''         |
| १४) सत्यनारायणबा धलं व बाखं                        | ''         |

